

ՄԵԴՎԱՊԱՀՈՒԹՅՈՒՆԸ ՀԻՆ ԵՎ ՄԻՋՆԱԴԱՐՅԱՆ՝ ՀԱՅԱՍՏԱՆՈՒՄ

Ա. Օ. ԳԱՍՊԱՐՅԱՆ

Հնադիտական նյութերն ու մատենագրական աղբյուրները վկայում են, որ Հայաստանում մեղվին ծանոթ են եղել տակավին հնագույն ժամանակներից, և մեղվապահությամբ զբաղի դեր է խաղացել հայերի կյանքում: Այդ է հավաստում վիշապների ձևով մեզ հասած հայոց նշանագրերում հանդիպող մեղրի գաղափարագիրը¹ ՄՀ:

Մեղվի վերաբերյալ ամենահնագույն տեղեկությունները Հայկական լեռնաշխարհում թվագրվում է մ. թ. ա. երկրորդ հազարամյակով² (նկ. 1): Նոր Բայազետի (Կամոյի) շրջանում հայտնաբերված բրոնզե գոտու զարդանկարների միջատի պատկերը (մ. թ. ա. երկրորդ հազարամյակ) ավելի նման է նստած մեղվի, քան բզեզի, ինչպես ենթադրում էր Ե. Լալայանը³: Ավելին, նույն տեղում գտնվել է երեխայի կմախքի մոտ դրված կավե ճրագ, որը ենթադրել է Խալիս, թե ճրագում վառվել է մոմ, քանզի հետագա կրոնական և ժողովրդական սովորություններից հայտնի է, որ հանդերձյալ աշխարհում, հանգուցյալի ճանապարհը լուսավորելու համար հուղարկավորության ծեսերն ուղեկցվում էին վառած մոմերով⁴: Ավելի որոշակի է մ. թ. ա. առաջին հազարամյակի սկզբներին (X—IX դդ.) վերաբերող լճաշենի պեղումներից հայտնաբերված, դարձյալ բրոնզե գոտու, զարդամոտիվների մեջ հանդիպող զույգ միջատների պատկերները, որտեղ հստակորեն երևում են թռչող մեղուներ⁵ (նկ. 2):

Սևանի ավազանում հայտնաբերված գոտիները, հետազոտողների միահամուռ վկայությամբ, ունեցել են պաշտամունքային նշանակություն և դրանց վրա այլ զարդերի հետ միասին կան նաև մեղվի պատկերներ, իսկ ավելի ուշ՝ քրիստոնեությունից հետո, մեղվի արտադրած մոմը հաստատուն տեղ է գրավում կրոնական պաշտամունքների մեջ:

Հնում առհասարակ ընդունված էր դրամների, կնիքների, մատանիների վրա, որպես խորհրդանիշ, որևէ կենդանու, թռչունի կամ միջատի պատկեր քանդակել: Այս առումով հատկանշական է հունական քաղաք-պետությունների օրինակը, որոնցում մ. թ. ա. IV դ. կատարված և Հայաստանում շրջանառության մեջ դրված դրամներից երկուսի վրա պարզորոշ դրոշմված է մեղվի

¹ Ա. Գ. Արրահամյան, Հայոց գիր և գրություն, Երևան, 1973, էջ 240:

² Գ. Զ. Կարախանյան, Պ. Գ. Սաֆյան, Սյունիքի ժայռապատկերները, Երևան, 1970, աղ. 48, նկ. 4:

³ Ե. Լալայան, Դամբարանների պեղումները Խորհրդային Հայաստանում, Երևան, 1931, էջ 186, նկ. 180:

⁴ Ե. Լալայան, նշվ. աշխ., էջ 86, Խ. Սամվելյան, Հին Հայաստանի կուլտուրան, հ. II, Երևան, 1941, էջ 143—143:

⁵ Գոտին պահվում է Հայաստանի պատմության պետական թանգարանի հնագիտական բաժնի 2152 զույգահամարի տակ: Գոտու այս հատվածի զծանկարը սիրով մեզ տրամադրեց Զ. Մնացականյանը, որի համար հայտնում ենք մեր շնորհակալությունը:

պատկերը⁶։ Նույնքան հստակորեն մեղվի պատկեր է երևում Անի-Կամախին վերագրված երկու դրամների⁷ (նկ. 3), ինչպես նաև պարսից Վաղարշակ թագավորի հատած դրամի վրա⁸։ Գառնիի պեղումներից հայտնաբերվել և այժմ Հայաստանի պատմության պետական թանգարանում պահվում է մի կնիք-մատանի (I—II դդ.), որի ափի վրա պատկերված է մեղու⁹ (նկ. 4)։

Դվինի պեղումներից հայտնաբերված իրերի վրա ևս կան մեղվի հետ առնչվող պատկերներ։ Միջնաբերդի կենտրոնական թաղամասի շերտերից հանվել են V—VII դդ. բլթակավոր անգույն հաստ ապակե թասեր, որոնց քանդակները նմանվում են մեղրահացի վեցանկյունանի բլիշների¹⁰ (նկ. 7)։ Նույն կերպ է զարդարված նաև շողուն կամ ոսկեփայլ հախճապակե սափորը, որը թվագրվում է XII—XIII դդ.¹¹։

Հայաստանի քարակոփ արվեստում նույնպես առկա են մեղվապահությանն առնչվող պատկերներ։ Այսպես, Գեղարդի (Այրիվանք, XIII դ.) քարակոփ գավթի գմբեթաձև առաստաղին քանդակված է մեղրախորսի (մոմաշեշ) պատկեր¹²։ Նույնպիսի պատկեր կա Ախթամարի տաճարի զարդաքանդակների մեջ՝ հրեշտակների գլուխների շուրջը երիզած պսակի համալիրում (X դ.)¹³ (նկ. 8), Իջևանի շրջանի Աշաջուր գյուղի մոտ գտնվող Մակարավանք եկեղեցու գավթի (XIII դ.) սյան խոյակի վրա¹⁴, ինչպես նաև հինավուրց Արցախի Գանձասարի վանքի գավթի առաստաղի վրա (XIII դ.)¹⁵։

Հայերեն հին ձեռագրերն ու մանրանկարները ևս ուշագրավ վկայություններ են պարունակում մեղվապահության վերաբերյալ։ Այսպես, Մատենադարանի № 3708 ձեռագրի գունավոր նկարում տղա և աղջիկ զույգերը մոմերը ձեռքերին բռնած պարում են¹⁶։ Այլ ձեռագրերում որպես զարդանախշ օգտագործված է մեղվի քթոցավոր փեթակի պատկերը, իսկ լուսանցքներում պատկերված են մոմակալներում դրված վառված մոմեր (XIII և XVII դդ.)¹⁷։ Ձեռա-

⁶ А. Н. Зограф, Античные монеты. Материалы и исследования по археологии СССР, № 16, М.—Л., 1951, стр. 98, табл. IX (рис. 22, 25).

⁷ Ա տ ր պ ե տ, Հայ թագավորների դրամները («Ազգագրական հանդես», գ. 22, Թիֆլիս, 1912, էջ 223, նկ. 15)։

⁸ Petrowicz Sammlung, Arsaciden-Münzen, Catalog, Wien, 1904, pl. 24 նկ. 12.

⁹ Б. Н. Аракелян, Гарни, II, Ереван, 1957, стр. 80, рис. 50.

¹⁰ Ա. Ք ա լ ա ն Թ ա ր յ ա ն, Դվինի նյութական մշակույթը IV—VIII դդ., հ. I, Երևան, 1970, աղ. 33, նկ. 5։

¹¹ Բ. Ա ո ա ք ե լ յ ա ն, Քաղաքները և արհեստները Հայաստանում IX—XIII դդ., հ. I, Երևան, 1958, տախ. LIX, նաև Հայաստանի պատմության պետական թանգարան, հավաքածու 1913/145։

¹² А. Саинян, Гарни и Герард, М., 1958. «Հայկական եկեղեցիներ», Մայր աթոռ Ս. էջմիածին, 1970, «Yerevan and its environs», Leningrad, 1973, ն. 86; G(h)eghard, documents of architecture. 6. Milan, 1973.

¹³ ՎԱԿՆԱՐԿ Հայ ճարտարապետության պատմության, Երևան, 1964, էջ 187—189, նկ. 67, Siraple Der Nersessian, Aght'amar, Harvard, 1965, pl. 5, 8. «Декоративное искусство средневековой Армении», Л., 1971, рис. 37.

¹⁴ «Հայկական եկեղեցիներ», Ս. էջմիածին, 1970, Մակարավանքի նկարը։

¹⁵ Շ. Ս. Պ ո ղ ո ս յ ա ն, Գանձասարի վանքը, Երևան, 1972։

¹⁶ Հայկական ՍՍՀ Միներալների սովետին առընթեր Մաշտոցի անվան հին ձեռագրերի ինստիտուտ (Մատենադարան), ձեռ. № 3708, էջ 7բ, հմմտ. Ա ո ա ք ե լ Պ ա տ ր ի կ, Հայկական տարազ, Երևան, 1967, էջ 28—29, տախ. 23, նկ. 13, 14, 15։

¹⁷ Siraple Der Nersessian, Armenian manuscripts, Washington, 1963, pl. 18, 90.

յրերում կան նաև մարդու պատկերով, վառվող մոմերը որպես աշտանակ ձեռքերին ռոնած կամ դիմերին դրված դիստառներ (XIII դ. և XV դ. ձեռագրեր)¹⁸ (նկ. 5):

Այս ամենով հանդերձ, ամենահավաստի տեղեկությունները թերևս գրավոր աղբյուրների վկայություններն են: Հուլյն պատմագիր Քսենոփոնը (մ. թ. ա. 431—354 թթ.) վկայում է, թե հույների տասհազարանոց զորքի նահանջի ժամանակ, Հայաստանով անցնելիս, կոլխերի սահմանագծի մոտ հանդիպել է մեղլի բազմաթիվ փեթակների և որ զինվորներն ուտելով դրանց մեղրից, թունավորվել և ու նմանվել հարբածների¹⁹:

Ըստ հույն աշխարհագիր Ստրաբոնի (66 թ. մ. թ. ա.—24 թ. մ. թ.)՝ Արևելքի որոշ երկրներում մեղունները ծառերի բների և ճյուղերի մեջ փեթակներ են շինում, և մեղրը տերևների վրայով հոսում է, այդ երկրներից նա հիշատակում է Վրկանր, Մարաստանը, Շակաշենը և Արաքսենը՝ Հայաստանը²⁰:

Ստրաբոնը վկայում է նաև, որ այս երկրների ժողովուրդներից հայերը, խալդերը, տիբերը, սաները և հեպտակոմենները շմեցնող մեղրը օգտագործել են թշնամու զինվորներին ոչնչացնելու համար. «Տեղի բնակիչները ծառերի չբացված բողբոջներից ստացված շմեցնող մեղրով լիքը լցված ամաններ են գրել ճանապարհի եզրերին՝ երբ զինվորները խմել են այդ մեղրը, կորցրել են գիտակցությունը: Ապա տեղացիները հարձակվել ու առանց դժվարության սպանել են նրանց»²¹:

Հռոմեական պատմիչ Դիոդոր Սիցիլիացին (մ. թ. ա. I դ.) վկայում է, թե Հայաստանում կան թևավոր միջատներ. որոնց տեղացիք «Անտրեդոն» են կոչում և, որոնք իրենց՝ սիցիլիացիների մեղվից փոքր են, բայց շատ օգտակար: Դրանք լեռների տարբեր ծաղիկներից հյութ են հավաքում, տեղափոխում քարածերայերի ճեղքերը, լցնում մոմերի մեջ և պատրաստում հիանալի քաղցր մեղր: Սիցիլիացին հավաստում է նաև, որ Հայաստանում հանդիպել է այնպիսի բարբեր, մրգառատ վայրերի, որոնց բնակիչները բախտավորներ են: «Ժողովուրդը բախտավոր է, երկիրը մրգառատ, հողը բերրի, հացը առատ: Ասում են խաղողի մի թուփը տալիս է 3 դուլլ գինի: Այստեղ աճում է կաղնու նմանվող ծառ, որի թիփերից առատորեն մեղր է հոսում»²²: Սա հենց զազպեն է, որի մասին հիշում են նաև Փավստոս Բուզանդը, Զենոբ Գլակը և ուրիշներ:

Մեղուն պաշտպանական նպատակով հայերը օգտագործել են երկու հազար տարի առաջ՝ նրանց զազազները և բաց են թողել թշնամու զորքերի մեջ, վերջիններիս մատնելով անասնի խուճապի²³:

Պատմահայր Մովսես Խորենացին խոսելով Տիգրան Մեծի բարեգործությունների մասին, նշում է, որ նա երկրին բերեց խաղաղություն և շենություն, բոլորին լիացրեց յուղով և մեղրով: Ներկայացնելով Տիգրանի արտաքինը,

18 Մատենադարան, ձեռ. № 8400, Թ. 107ա: Զեռ. № 6059, Թ. 117ա:

19 Քսենոփոն, Անաբասիս, Երևան, 1970, էջ 105—107:

20 Ստրաբոն, Երևան, 1940, գլ. 6, էջ 13:

21 «Сборник материалов для описания местностей и племен Кавказа» (СМОПК), вып. IV, Тифлис, 1884, стр. 82.

22 Նույն տեղում, էջ 92—93:

23 В. Ю. Некрасов, Пчелы, М., 1949, стр. 40. Ուշագրավ է «Պատմութիւն Աղեքսանդրի Մակեդոնացու» (Վենետիկ, 1842, էջ 184—185) գրքում եղած վկայությունը մեղրի մեկուսիչ և հակաբեխիչ հատկությունների մասին, որտեղ ասվում է, թե ինչպես Ալ. Մակեդոնացու դին նգիպտոս են փոխադրել մեղր լցրած կապարե դազաղով:

հորենացին նրան բնորոշում է մեղվահայացք և մեղվական մակդիրներով²⁴, Այնուհետև հորենացին հաղորդում է, որ ժամանակին եղել են մեղվամոմով հարթեցված հատուկ տախտակներ, որոնց վրա դրել են: Ուշագրավ է նաև այն տեղեկությունը, թե ինչպես Ասորեստանի Շամիրամ թագուհին վանալճի ափին կառուցված Տուշպա քաղաքի մի քարածայուի երեսը այնպես է հարթեցրել, ինչպես գրիչները մեղվամոմով հարթեցնում էին տախտակը և վրան արձանագրել է տվել²⁵:

Հայտնի է, որ հին աշխարհում, այդ թվում նաև Հայաստանում, մոմը լայնորեն օգտագործվել է մետաղաձուլության մեջ՝ կաղապարման ժամանակ, հատկապես նուրբ քանդակներ ու զարդանախշեր անելիս: «Ավելի բարդ կամ տարողություն ունեցող իրերի ձուլումը կատարվում էր մոդելի օգնությամբ, որը կարող էր լինել կավից, փայտից և մոմից», «մոմն մոդելը գործածվում էր ավելի բարդ և նուրբ իրերի ու զարդերի պատրաստման համար»²⁶:

Մեղվաբուծության բնագավառում հայ ժողովրդի հնագույն հմտությունների դիպուկ վկայություններ կան Եզնիկ Կողբացու «Եղծ աղանդոցի» մեջ: Մի առիթով նա գրում է. «Անգործ մեղու՝ լաւ է, քան զժիր պիծակ»: «Քաղցր է մեղր, բայց ախտալից մարմնոյ վնաս առնէ»: «Մեղուաց՝ ղդուրս մեղուանոցացն (մեղվաբույն) յառաջ քան զցուրտն աւանամոմով խնլոյ»²⁷, Սա նշանակում է, որ այդ ժամանակ նույնիսկ, հայերն արդեն քաջ ծանոթ էին ակնամոմին:

Ղազար Փարպեցին խոսելով Արարատյան դաշտում առատ աճող և որոշ հիվանդություններ բուժող բույսերի արմատների և բանջարների մասին, դրանք համեմատում է մեղրի հետ. «Զանուշահոտ զմեղրահամ քաղցրութիւն բանջարացն և զզանազանումն իւղաբուղիս սերմանց»²⁸:

Անանիա Շիրակացին Տարոնի բարեբեր հովիտը նկարագրելիս, բազմազան բարիքների թվում նշում է նաև զազպեն ու մեղրը. «Ունի եւ զազպեն եւ մեղր անոյշ քան զամենայն երկրի», նաև՝ «որ ունի լեւոն՝ զԱնտիտաւրոս, եւ այլ փոքունս, եւ գետ զՄեկանս եւ այլ»²⁹: Ուշագրավ է, որ մեղրի անվանումը պահպանվել է գետանվան՝ Մեղգետ (Մեղրագետ) և տեղանվան՝ Մեղրի, մեջ, որը գալիս է հնագույն ժամանակներից՝ Melidu անվամբ, այս վայրի անունով էլ ամբողջ Տարոնը՝ Մշո դաշտը կոչվել է Melidu³⁰: Մշո դաշտում են եղել Մեղրածոր գետակը, Մեղրաքար ժայռը, Մեղրագոմ գյուղը³¹, Մեղրաձոր կիրճը՝ Սասունում³², «Մեծ աւանն Մեղրի»³³, Մեղրի (հնում Արևիք) բեր-

24 «Մոմ վսեմսի հորենացւոյ Պատմութիւն հայոց», Թիֆլիս, 1913, էջ 74:

25 Նույն տեղում, էջ 55—59:

26 Բ. Առաքելյան, Քաղաքները և արհեստները Հայաստանում IX—XIII դդ., հ. I, Երևան, 1958, տախ. 14, էջ 157:

27 «Եղնը կայ վարդասյետի Կողբացւոյ Եղծ աղանդոց», Թիֆլիս, 1914, էջ 121, 217, 219:

28 «Ղաղաբայ Փարպեցւոյ Պատմութիւն Հայոց», Վենետիկ, 1878, էջ 23—24:




29 Ան. Շիրակացի, Մատենագրություն, ուսումնասիրությամբ Ա. Գ. Աբրահամյանի, Երևան, 1944, էջ 346, 349: Ս. Երեմյան, Հայաստանն ըստ «Աշխարհացայց»-ի, Երևան, 1963, էջ 92, 107—108:

30 Ս. Ս. Երեմյան, Հայաստանն ըստ «Աշխարհացայց»-ի, էջ 70, 85:

31 Ա. Ղանալյանյան, Ավանդապատում, Երևան, 1969, էջ 89, 90:

32 Վ. Պետոյան, Սասնա ազգագրությունը, Երևան, 1965, էջ 136:

33 «Պատմութիւն նահանգին Սիսական, արարեալ Ստեփաննոսի Օրբելեան արքեպիսկոպոսի Սիւնեաց», Թիֆլիս, 1910, էջ 341:



ղըն³⁴ ու Մեղրի գետը՝ Սյունիքում³⁵ և վերջապես Մեղրաձոր և Մեղրի ավան-
ները ներկայիս Հայաստանում։ Հայտնի է նաև Մեղրիկ (Մելիաս) անունով
հայ զորավար, որը մի այլ զորավարի՝ Գուրգենի հետ 934 թ. արաբներից ետ է
նվաճել Մելիտինեն (Մալաթիան)³⁶։

X դ. պատմիչ Հովհաննես Դրասխանակերտցին նկարագրելով արաբնե-
րի ավերածությունները և ավարառությունը Հայաստանում, նշում է, որ գյու-
ղաքաղաք Գառնիից այլ ամենի հետ նրանք ավարի են ենթարկել նաև
«ղյուզնապատիկ Պարս մեղուոցաց բազմաց...»³⁷։

Արաբ մատենագիր Ալ. Իսթահրին (մոտավորապես 930 թ.) անդրադառ-
նալով Հայաստանում մեղրի առատությունը, գրում է, որ երկու կամ երեք
մանա մեղրը արժե մեկ դիրհեմ (կես ֆրանկ, 15 կոպեկ)³⁸։

XI դ. Հայաստանում ճամփորդած Նասիր Խուսրաուն պատմում է, որ
Բերկրին, Վանն ու Բիթլիսը հայտնի էին մեղրի առատությամբ. «Մենք այս-
տեղ (Բիթլիսում—Ա. Գ.) մեղր գնեցինք՝ հարյուր մանը մեկ դինարով...»։
Ինչպես նաև հաղորդում է, որ այստեղ եղել են մեղվապահներ, որոնք տարին
400—600 տիկ մեղր են ստացել³⁹։ Այստեղից Ա. Կոթողյանը ենթադրում է,
թե նշված քանակությամբ մեղր ստանալու համար անհրաժեշտ էր ունենալ
1000—1500 քթոցավոր փեթակ⁴⁰։

Հովհաննես Իմաստասերը (XI—XII դդ.) մոմարջիջների պատրաստման
մեջ տեսնում է մեղվին հատուկ բնազդական արվեստի առկայություն։ Նա
հիացած մոմարջիջների այդ գեղեցիկ կառույցով հարց է տալիս՝ «Մի՞թե
արուեստի և խորհրդով գործ է մեղուն... որ ուսեալ է և կու մարթ է առնել»,
ապա ինքն իր հարցին իմաստնորեն պատասխանում է. «ոչ, այլ ի բնութենէ,
առանց խորհելոյ և արուեստի ուսանելոյ, զի հնարքն և արուեստ բնականք
է»⁴¹։ Ինչպես տեսնում ենք, դեռևս ութ հարյուր տարի առաջ Իմաստասերը
այն միտքն է հայտնում, որ մեղուն այդ ճարտարապետական դժվարին կա-
ռույցը՝ վեցանկյուն մոմարջիջները, հյուսում է ոչ թե մտածելով, արվեստ
սովորելով, այլ բնությունից օժտված բնազդով։ Մեղունների, նրանց երամ-
ների կատարած աշխատանքի մասին անուղղակիորեն խոսում է XI դ. պատ-
միչ Մատթեոս Ուռհայեցին՝ համեմատություն անցկացնելով մարդու և մեղ-
վի միջև⁴²։ Այս մասին այլաբանական վկայություններ ունի նաև նույն դարի
իմաստասեր Գրիգոր Մագիստրոսը⁴³։

Մեղվի և նրա արտադրանքների վերաբերյալ առատ տեղեկություններ
կան միջնադարյան հայ բժշկարաններում։ Մխիթար Հերացին (XII դ.) «Ջեր-
մանց մխիթարութիւն» գրքում զանազան հիվանդությունների դեղատոմսեր

34 Լեո, Երկերի ժողովածու, հ. I, Երևան, 1966, էջ 160։

35 Լեո, Հայոց պատմություն, հ. III, Երևան, 1946, էջ 685։

36 Զ. Կ. Տեր-Սահակեան, Հայ կայսեր Բիզանդիոնի, հ. Բ, Վենետիկ, 1905, էջ 70։

37 «Յո՛վ հաննու Կաթողիկոսի Դրասխանակերտցու Պատմութիւն
Հայոց», Թիֆլիս, 1912, էջ 339։

38 СМОПК, вып. XXIX, Тифлис, 1901, стр. 27.

39 Насири-Хусрау, Сафар-Намэ. Книга путешествия, М.—Л., 1933, стр. 39.

40 Ա. Մ. Կոթողյան, Համառոտ մեղվաբուծություն, Երևան, 1968, էջ 9։

41 Ա. Գ. Աբրահամյան, Հովհաննես Իմաստասերի Մատենագրությունը, Երևան,
1956, էջ 316—317։

42 Մատթեոս Ուռհայեցի, Ժամանակագրություն, Երևան, 1973, էջ 184։

43 Գրիգոր Մագիստրոս, Դեղքեր, Ալեքսանդրապոլ, 1910, էջ 231—232։

է տալիս, որոնց մի ղգալի մասի բաղադրութեան մեջ անպայման մտնում են մեղրը և մոմը: Այսպես, փորկապութեան, գլխացավի, փորացավի, այտուցման, զանազան վերքերի և այլ հիվանդութիւնների դեպքում մեղվի արտադրանքը այս կամ այն համամասնութեամբ մտել է բաղադրատոմսերի մեջ⁴⁴, մի բան, որը, հավանաբար, առնչութիւն ունի ժողովրդական բժշկութեան հետ և մեծ մասամբ կիրառվում է մինչև օրս:

Ամիրդովլաթ Ամասիացին (XV դ.) իր բազմաթիվ աշխատութիւններում ներկայացրած 3754 դեղատոմսերի մեջ նույնպես լայնորեն օգտագործել է մեղվի արտադրանքները որպէս կարևոր բուժիչ միջոցներ⁴⁵:

Հուլոյս ուշագրավ են նաև միջնադարյան հայկական դատաստանագրքերը և կանոնագրքերը: Հովհան Մանդակունու մի հոգվածում հացօղու, արմավօղու հետ միասին հիշատակվում է նաև մեղրօղու օգտագործման արգելումը⁴⁶: Մի այլ կանոնագրքում («Կանոնք Կղեմայ») նշվում է ձեթ և մոմեղեն գողացողի պատժի չափը⁴⁷: Իսկ Բասդի գիր կանոնականը խոսում է ընդդէմ նրանց, ովքեր եկեղեցու շտեմարանից նախատեսվածից ավելի մեղր և այլ մթերք են օգտագործում⁴⁸: Մխիթար Գոշի (XII դ.) Դատաստանագրքում հոգվածներ կան, որոնք վերաբերում են մեղունների առուծախին, բուն մեղվապահութեանը: Մխիթար Գոշը խորհուրդ է տալիս մեղվափեթակները վաճառել աշնանը, երբ մեղուններն արդեն փեթակում սերեկել են մեղրը, մի հոգվածով էլ արգելում է հիվանդոտ, ծեր մայր ունեցող մեղվափեթակների վաճառքը, իսկ եթե մեղվափեթակը վաճառելուց տասն-քսան օր հետո հիվանդութիւն հայտնաբերվի կամ մայրը մահանա, փեթակը վերադարձվում է վաճառողին որպէս պատիժ⁴⁹:

Դավիթ Ալավկա որդու (XII դ.) կազմած կանոնագրքում օգտավետ խորհուրդներ են տրվում, թե ինչպէս պետք է վարվել տարբեր դեպքերում, երբ մուկը այս կամ այն կերպ շփվում է մեղրի կամ մեղվափեթակի հետ⁵⁰:

Ուշագրավ են նույնպէս Ամբատ Գունդստաբլի (XIII դ.) կազմած դատաստանագրքի մեղվին վերաբերող հոգվածները: Աս էլ Մխիթար Գոշի նման պահանջում է, որ մեղվի առ ու վաճառքի դեպքում խաբեբայութիւն չլինի, ու խարդախողը խստագույնս պատժվի օրենքով: Եթե առ ու վաճառքը աշնանն է տեղի ունենում, ապա փեթակում կերապաշարը պետք է առատ լինի, եթե այն պակաս լինի ու փեթակը մարի, մեղավորը վաճառողն է, ուստի նա նախօրոք անպայման պետք է լրացնի կերապաշարը: Եթե առ ու վաճառքը զարնան է կատարվում, փեթակը տարվում է 20 օրվա ժամանակապայմանով: Եթե այդ ժամանակաշրջանում կերը վերջանա կամ փեթակը մարի, մե-

⁴⁴ Մ խ ի Թ ա Ր Հ ե Ր ա Յ ի, Քերմանց. մխիթարութիւն, Վենետիկ, 1832, էջ 1, 75, 87, 100, 118, 149:

⁴⁵ Ա մ ի Ր տ ո վ լ ա Թ ի Ֆ մ ա ս ի ա ջ ո յ, Անգիտաց անպէտ կամ բառարան բժշկական նիւթոց, Վիեննա, 1926, էջ 26, 28, 379, 427:

⁴⁶ Մատենադարան, ձեռ. № 948, էջ 56ա—57ա, հմմտ. «Կանոնագիրք Հայոց», աշխատասիրութեամբ Վ. Հակոբյանի, հ. Ա, Երևան, 1964, էջ 496, 642:

⁴⁷ «Կանոնագիրք Հայոց», էջ 73, 75, 93:

⁴⁸ Նույն տեղում, հ. Բ, Երևան, 1971, էջ 133:

⁴⁹ Մ խ ի Թ ա Ր ա յ Գ ո շ ի Դատաստանագիրք Հայոց, Վաղարշապատ, 1880, էջ 367—368:

⁵⁰ Մատենադարան, ձեռ. № 8459, էջ 146ա:

ղավորը վաճառողն է, իսկ եթե նշված ժամկետը լրանալուց հետո կամ տարին վատ լինելու պատճառով փեթակը մարի, վաճառողը մեղք չունի⁵¹:

Կիրակոս Գանձակեցին (XIII դ.) խոսելով հայոց կաթողիկոս Կոստանդնի սահմանած կանոնների մասին, նշում է նախ՝ մոմը որպես բուժիչ միջոց, ապա՝ հաղորդման ժամանակ մոմ ծխելու անհրաժեշտությունը, որպեսզի հաղորդումը ընդունելի լինի: Այնուհետև, պատմիչը խոսելով վանական վարդապետի մասին, նրա ժրաշնությունը նմանեցնում է մեղվի, ապա շեշտում է մեղրի բուժիչ հատկությունը, իսկ քաղցրաբարո Գևորգին մեծարում է Մեղրիկ հորջորջմամբ⁵²:

Ինչպես արդեն ասվեց, միջնադարի որոշ հայ հեղինակներ նախընտրել են մարդկանց աշխատասիրությունը համեմատել մեղվի ժրաշնության, ողջախոհությունը՝ խոհեմության հետ: Նրանցից էր Գրիգոր վարդապետ Բջնեցու (XIII դ.) աշակերտը (անունն անհայտ), որն իր ուսուցչի մասին, նրա համար ընդօրինակած 1283 թ. ձեռագրի հիշատակարանում, գրում է. «Սայ բազում աշխատութեամբ և մեծաւ ջանիւ ժողովեալ զսա, ի տեղոջ ի տեղիս ընթանալով և յաշխարհէ յաշխարհ, որպէս գործասէր մեղու, որ զթևան արձակէ և ի մարգան թռչի և կապտէ պտուղ զանազան և գեղեցիկ, և աշխատի առնելով մաղսն զվեցանկինիսն և զընդիմադրել բջիչսն անկանելով»⁵³: Այստեղ դրսևորված են հեղինակի գիտելիքները ոչ միայն մեղվաբջջի վեցանկյուն լինելու մասին, նաև այն, որ մեղուն շրջելով ծաղկից-ծաղիկ, միաժամանակ, կատարում է խաչաձև փոշոտում, որը նպաստում է գեղեցիկ պտուղների աճմանը:

Գրիգոր Տաթևացին (XV դ.) անաշխատ մարդկանց նմանեցնում է բոռերի, իսկ ազնիվ ու աշխատասերներին՝ մեղունների: Նա մեղվի և մրջյունի աղատ ու անշահախնդիր աշխատանքը հակադրել է իր ժամանակի արհեստանոցների վարձու աշխատողների և ստրուկների տաժանակիր աշխատանքին. «Զվաստակս ձեռաց քոց կերիցես՝ երանի է քեզ և բարի եղիցի... Որ արասցէ ոչ՝ կերիցէ մի. դի ալնպիսին՝ ուտէ զհաց ցաւոց և նման է նա բրէտի՝ որ ոչ վաստակի մեղր, այլ զայլոց վաստակ ուտէ»⁵⁴:

Նույն կերպ է վարվում Թովմա Մեծոփեցին (XIV—XV դդ.), երբ Հովհաննես Սարկավազ Իմաստասերի գործունեությունը հմտորեն համեմատում է ժրաշան մեղվի աշխատանքի հետ. «Յիմաստնոյն Սարկավազ վարդապետէ մտառեալ է, սակաւ ինչ յամենեցունց մասնաւորեալ զպատշաճաւորն, իբր իմաստուն մեղու թռչելով ի մարգ և ի լերինս և ի ծաղկաւէտ բուրաստանս, ժողովելով զպիտանիսն առ ի նոցանէ ի յաւգուտ և ի շահ փրկութեան մարդկան»⁵⁵: Այստեղ ևս առկա է մեղվի դերը նեկտար և փոշի հավաքելիս բույսերի փոշոտմանը նպաստելու գործում, ինչպես նաև այդ ընթացքում մեղվի բնական ընտրության կարողության գաղափարի ըմբռնումը՝ երբ մեղուն ծա-

51 «Դատաստանագիրք Սմբատ իշխանի (Դունդստաբլի)», էջմիածին, 1918, էջ 26:

52 Կիրակոս Գանձակեցի, Պատմություն Հայոց, աշխատասիրությամբ Կ. Ա. Մելիք-Օհանջանյանի, Երևան, 1961, էջ 306, 310, 345:

53 Մատենադարան, ձեռ. № 1216, էջ 424ա:

54 Գրիգոր Տաթևացի, Գիրք քարոզութեան, Կ. Պոլիս, 1741, էջ 107—108:

55 Ա. Գ. Արարհամյան, Հովհաննես Իմաստասերի Մատենագրությունը, էջ 112:

զիկներին ընտրում է այն օգտակարն ու պիտանին, ինչ անհրաժեշտ է մեղր պատրաստելու համար:

Հետաքրքիր է Առաքել Դավրիժեցու (XVII դ.) հաղորդումն այն մասին, թե ինչպես Շահ-Աբասի պատվերով Մովսես վարդապետը երեք պարսիկի սովորեցրել է մոմ սպիտակեցնելու գաղտնիքը: Այդ նպատակով Շահ-Աբասը, մեծամեծ արտոնություններով, Մովսես վարդապետին ուղարկում է Ասպահան քաղաքը, լալաբեկ իշխանին հրովարտակ գրելով. «Զի տացէ հարիր լիտր մոմ և երեք ծառայ ի ծառայից թագաւորին՝ Մովսէս վարդապետին, և զամենայն ծախս նոցա հոգուցէ: Եւ այգեստանեացն որոց և հաւանեացի Մովսէս վարդապետն, անպատճառ տացնն նմա, զի անդ սպիտակացուցէ զմոմն, և ուսուցէ զծառայսն՝ տարցէ առաջին թագաւորին, ուր և իցէ նա»⁵⁶, Այդպես էլ արվում է: Այլադավան շահին դուր են եկել Մովսես վարդապետի շնորհները, դրա համար էլ նրան «...տուեալ էր Մովսէսի զլուսարարութիւնն սուրբ էջմիածնի թագաւորական նոմոսիւ», որպես պարգև: Պատմիչը հայտնում է նաև, որ «Վասն զի ամենայն վանօրայք ազգիս Հայոց՝ իւրաքանչիւր սեակալովս ունէր իւր զինչս առանձին, այգի և բուրաստան, փէթակ և տոն, և մարան, և համբարանոցս, և զմուտս ստացուածոց. նաև զմուտս հասարակաց վանիցն մասունս արարեալ՝ յինքեանս բաժանէին»⁵⁷, որից իմանում ենք, որ վանքապատկան տնտեսություններն ունեցել են բազմաքանակ մեղվափեթակներ:

Հայտնի է, որ վանքապատկան կալվածքներն ունեցել են մեղվանոցներ, ձիթհաններ, ջրաղացներ, որոնց արտադրանքը օգտագործել են վանականները: Վանքերն ունեցել են նաև վանքապատկան գյուղեր, որոնք ամեն տարի վանքին հարկ են տվել: Օրինակ, XIII դ. մատենագիր Ստեփանոս Օրբելյանի ժամանակագրության հավելվածում նշված է Տաթևի թեմի վանքական գյուղերից ստացված տասանորդի չափը՝ ըստ մթերքների. «...Տաթև ԻԴ (24) բեռ ցորեն և Գ (3) լիտր մեղր տան... Շնհէր՝ ԻԵ (25) բեռն ցորեն, Գ (3) թիլանի լիտր մեղր... Հալիձոր Ը (8) բեռն, Ե (5) մարզան ցորեն, Ա (1) թիլանի լիտր մեղր»⁵⁸, Վանքերի եկամուտները ավելանում էին նաև աշխարհականների նվիրատվությամբ: Այսպես, Երնջակի ս. Կարապետ վանքին նվիրվել է այգի, շորս քթոցավոր մեղվափեթակ՝ հանուն նվիրողի հոգու փրկության⁵⁹:

Հակոբ Կարնեցին նկարագրում է Բարձր Հայքի մեղրի առատությունը. «Եւ անտի գայ երկիրն Ապահոնեաց պարոնանիստ, որ այժմ խնուս ասեն. և ունի փոքրիկ դղեակ մի պարսպաւոր, ունի գիւղք բազումք հացալից և խոտալիւր, և հովիտք բազում ոչխարաց, իւղ և մեղր իբրև զշուր առատ»⁶⁰, Մի այլ տեղում ավելացնում է, թե՛ «Եւ է երկիրս այս յոյժ լիութիւն հացի, մսի, եղի և գինւոյ. փայտ, աղ և մեղր անասելի ու անպատմելի» կամ «գառըն մէկ

⁵⁶ «Պատմութիւն Առաքել Վարդապետի Դավրիժեցոյ», Վաղարշապատ, 1896, էջ 301:

⁵⁷ Նույն տեղում, էջ 288:

⁵⁸ «Ժամանակագրութիւն Ստեփանոս Օրբելեանի», աշխատասիրությամբ Ա. Գ. Աբրահամյանի, Երևան, 1942, էջ 44:

⁵⁹ Մ Ե Ս Ր Ո Վ Բ Ա Բ Ե-Ե պ ի ս կ ո պ ո ս Ս մ ր ա տ ե ա ն ց. Նկարագիր սուրբ Կարապետի վանից Երնջակայ և շրջակայից նորա, Բիֆլիս, 1906, էջ 243:

⁶⁰ Հ ա կ ո Ր Կ ա Ր Ն Ե ց ի, Տեղագիր Վերին Հայոց, Վաղարշապատ, 1903, էջ 23:

ռուպ, ոչխարն՝ երկու դուռուշ, կովն՝ վեց ռուպ կամ ութն ռուպ. ձի և եզն, էշն նոյն դնով, եղ և մեղր՝ կէս-կէս դուռուշ մէկ լիտրն»⁶¹։

Մեղուն և նրա արտադրանքը արտացոլում են գտել նաև միջնադարյան հայ գեղարվեստական ու բարոյախոսական գրականության մեջ։ Այսպես՝ Ներսէս Շնորհալու (XII դ.) հանելուկներում բազմազան համեմատություններ կան՝ կապված մոմի և մեղրի հետ։

«Ի յանշնչից շարժականաց,
Ծնունդ ճարպոյ ի ն[շ]խարաց,
Պարունակէ զնիւթեալ մանած,
Տայ տեսանել զդոյնս աշաց» (մոմ)⁶²։
Հաջորդ հանելուկի պատասխանը մեղուն է՝
Գործավոր փոքր և հրաշալի,
Պէմեն շրջի յանապատի.
Մասունս առնի նա ամենի,
Յառաջ բերէ գործ ցանկալի»⁶³։

Մատենադարանի ձեռագրերից մեկում պահպանվել են հարսանեկան ծառագոյններն նվիրված ժողովրդական քառյակներ, որոնք իրականում մեղվի ու մեղրի գովք են.

Գնացէք, բէրէք արդար մեղուն,
Որ գայ, գովէ, հայ, ծառս ու ծաղիկ։
Գնացին բերին արդար մեղուն...
Երնեկ յիջաւ, հայ, ծառատըկին...
Բարեւ երես, հայ, թագաւորին,
Հազար բարին, հայ, իր խօշ բախտին։
Մենք էն մեղուին հետ կէհեյանք,
Երբ մուտն լընկներ հայ, հոն պառկէյանք...
Քաղցր ծաղկունքըն ժողովէյանք...
Քաղցրաճաշակ, հայ, մեղր, շինէյանք,
Եւ մոմն աստուծոյ փէշքեաշ տայանք...»⁶⁴։

Վերջապես Վարդան Այգեկցու (XII—XIII դդ.) «Աղվեսագրքի» «Կաթ մեղու պատճառ պատեբազմի» առակը ցույց է տալիս հայ ժողովրդի քաջատեղյակությունը ոչ միայն մեղվապահությանը, այլև մեղրի առ ու վաճառքին⁶⁵։

Ուստի, միանգամայն բնական է, որ մի քանի դար առաջ պետականությունից զրկված հայ ժողովրդի մի ստվար հատվածը, որ բնակություն է հաստատում նախ Ղրիմի թերակղզում, ապա XVIII դ. վերջերին, Դոն գետի ավազանում՝ հիմնելով նոր նախիջևանը, քաղաքի խորհրդանիշ է ընտրում մե-

61 Նույն տեղում, էջ 41—42։

62 Մատենադարան, ձեռ. № 8575, էջ 308ա։

63 Ն ե ռ ս է ս Շ ն ո Ր հ ա լ ի, Ցաղազս երկնի և զարդուց նորա, Հանելուկներ, Ողբ Եդեսիոյ, Երևան, 1968, էջ 41։

64 Մատենադարան, ձեռ. № 8064, էջ 23բ, 24ա։

65 Վ. Ա յ դ ե կ ց ի, Աղվեսագիրք, Երևան, 1955, էջ 32—33։

դուն, մոմաբջիշը և մեղվապահակը⁶⁶ (նկ. 6), որով շեշտվում էր հայ ժողովրդի ժրաշնությունն ու աշխատասիրությունը:

Անշուշտ, մեղվապահությանը վերաբերող գրավոր տեղեկությունները սրանցով չեն սպառվում, սակայն վերևում բերվածներն էլ բավական են ցույց տալու համար, որ մեղվապահությունը Հայաստանում սկզբնավորվել է հնագույն ժամանակներից, անընդմեջ շարունակվել միջնադարում և հասել է մինչև մեր օրերը:

ПЧЕЛОВОДСТВО В ДРЕВНЕЙ И СРЕДНЕВЕКОВОЙ АРМЕНИИ

А. О. ГАСПАРЯН

Резюме

Древнейшие сведения относительно пчел на Армянском нагорье можно датировать II тысячелетием до н. э. на основе тщательного изучения наскальных рисунков Сюника, а также различных изображений на культовых поясах, найденных при раскопках на берегу озера Севан и датируемых II—I тысячелетиями до н. э.

Примечательными являются бывшие в обращении на территории Армении монеты с изображением пчел: греческие (IV в. до н. э.), приписываемые Ани-Камаху, монеты, вычеканенные персидским царем Вагаршаком, а также перстни-печати I—II вв., найденные при раскопках Гарни.

Ячейки в виде шестигранных пчелиных сот обнаружены на куполообразных сводах Гегардского, Гандзасарского (XIII в.), на стенах Ахтамарского (X в.), Макараванкского (XIII в.) монастырей.

О развитии пчеловодства на Армянском нагорье свидетельствуют и письменные источники: греческие историки Ксенофонт (V в. до н. э.) и Страбон (I в. до н. э.), римский историк Диодор Сицилийский (I в. до н. э.), а также армянские историографы Мовсес Хоренаци, Езник Кохбаци, Казар Парпеци, Анания Ширакаци и др. О купле-продаже пчел и меда много сведений содержится в канонах, принятых на церковных соборах, в статьях судебныхников и сводов законов Ована Мандакуни, Мхитара Гоша и др.

Пчела и ее продукция разнообразно отражены в средневековой армянской художественной и нравоучительной литературе — у Нерсеса Шнорали, Вардана Айгекци, в народном эпосе, сказаниях, народных загадках и сказках.

⁶⁶ Վ. Բ. Բաբխուդյան, Նոր նախնիների հայկական գաղութի պատմություն (1779—1861 թթ.), Երևան, 1967, էջ 112, նկ. 4: